

# Ye Kung: Lagi \$140j diperuntuk bagi pusat penuaan aktif

la tambahan kepada \$800j yang diumumkan pemerintah bagi program, perkhidmatan bagi warga emas

► NUR SYUHRAH HASSAN  
rsyuhrai@sph.com.sg

Pemerintah akan memperuntuk dana tambahan \$140 juta untuk mempertingkatkan dan memperluas lebih 100 pusat penuaan aktif (AAC) di sini dari 2025 hingga 2027.

Suntikan dana tambahan yang diumumkan Menteri Keshatan, Encik Ong Ye Kung, pada 12 Oktober itu adalah di samping dana sebanyak \$800 juta yang diumumkan pemerintah sebelum ini untuk membiayai pelbagai program dan perkhidmatan AAC bagi warga emas dari 2024 hingga 2028.

AAC biasanya ditempatkan di kolong blok HDB untuk mendekati warga emas menerusi kegiatan sosial dan riadah, serta menawarkan khidmat rujukan bagi penjagaan dan pendampingan mereka.

Pengumuman suntikan dana tambahan buat AAC itu merupakan antara inisiatif baru yang bertujuan memperkukuh usaha Sihat Menua SG atau 'Age Well SG' yang diumumkan Encik Ong semasa berucap di sambutan ulang tahun ke-10 Pejabat Generasi Warga Emas (SGO) di Pusat Konvensyen dan Pameran Suntec.

SGO merupakan sebahagian Agensi Penjagaan Bersepadu (AIC) bagi perekrutan relawan dan usaha dekat dengan warga emas.

Sihat Menua SG merupakan program nasional untuk membantu warga emas meniti usia senja dengan baik dalam masyarakat.

Semasa Belanjawan 2024, pemerintah mengumumkan untuk memperuntuk \$3.5 bilion bagi usaha ini sepanjang 10 tahun akan datang.

Encik Ong turut mengumumkan bahawa khidmat Penjagaan Penbadi Di Rumah Yang Diperingkat (HPC+) akan diperkenalkan ke serata Singapura menjelang 2025 untuk terus memperku-



Menteri Keshatan, Encik Ong Ye Kung, mengumumkan bahawa lagi \$140 juta akan diperuntuk untuk mempertingkatkan dan memperluas pusat penuaan aktif (AAC) di Singapura semasa ucapannya di sambutan ulang tahun ke-10 Pejabat Generasi Warga Emas (SGO) pada 12 Oktober 2024 di Pusat Konvensyen dan Pameran Suntec. — Foto ST

kuh sokongan penjagaan dalam masyarakat.

Di bawah khidmat ini, warga emas antara lain boleh dapatkan perkhidmatan untuk menyokong penjagaan mereka dalam masyarakat seperti untuk bantu mereka mandi dan buat kerja rumah.

Khidmat ini juga menangkumi pemantauan 24 jam menggunakan teknologi dan elemen respons untuk mengesan kalau ada kejadian warga emas itu jatuh atau kejadian lain dan ini dapat memastikan warga emas itu boleh menerima penjagaan tepat pada masanya apabila diperlukan.

"Model ini telah menunjukkan hasil yang memberangsangkan dan Kementerian Keshatan (MOH) merancang melaksana perkhidmatan ini di seluruh negara menjelang akhir (2025)," kata

Encik Ong.

Acara sambutan ulang tahun SGO itu dihadiri sekitar 3,000 Duta Generasi Warga Emas (SGA).

Di acara itu juga, beberapa SGA diiktiraf bagi sumbangan mereka dengan Anugerah Teladan SGA menerusi kategori Platinum, Emas, Perak dan Gangsa, mengiktiraf jumlah tahun mereka berkhidmat mengikut unitan 10, lima, tiga dan dua tahun.

Antara dua SGA yang telah menerima Angugerah Platinum adalah Cik Renauq Begum Yunus, 58 tahun, dan Cik Zainab Saini, 59 tahun.

Mereka berdua bermula menjadi relawan di rangkaian penduduk masing-masing sebelum menyertai SGO pada 2014.

"Saya tabik dengan pengumuman baru ini ke-

rana ia bermakna lebih banyak bantuan akan di-hurukan kepada warga emas.

"Masih ramai yang tidak tahu mengenai pertolongan yang sedia ada dan peranan saya sebagai relawan SGA adalah untuk membantu," kata Cik Begum, relawan SGA dari kawasan Marsiling.

Bagi Cik Zainab, relawan SGA dari Tampines Changkat, pula, beliau berkata:

"Selama 10 tahun ini, saya melihat banyak perubahan yang baik. Ini dapat membantu jumlah warga emas yang semakin meningkat di Singapura, termasuk diri saya sendiri."

"Saya harap lebih ramai orang muda dapat tampil menjadi relawan SGA sebagai pelapis relawan sekiranya."